

**12** er veitt er til fátækustu brauða í 13. gr. A b 1 í fjárlögunum 19. október f. á., að  
30. jan. upphæð 4000 kr., þetta ár úthlutað meðal neðangreindra brauða:

A. Staður í Aðalvík . . . . .	400 kr.		Futtar 1850 kr.
Þönglabakki . . . . .	300 —	Stöð . . . . .	50 —
Bergsstaðir . . . . .	200 —	Staður í Grindavík með Selvogsp.	50 —
Reynisþing . . . . .	200 —	Staður í Súgandafirði . . . . .	50 —
Kirkjubólsping með Stað á		Tröllatunga . . . . .	50 —
Snæfjallaströnd . . . . .	200 —	Hrepphólar . . . . .	50 —
Húsavík . . . . .	100 —	Einholt . . . . .	50 —
Lundur . . . . .	100 —	Miðgarður í Grímsey . . . . .	50 —
Hvammur og Keta . . . . .	100 —	Hnappstaðir . . . . .	50 —
Flatey . . . . .	100 —	Torfastaðir . . . . .	50 —
Álptamýri . . . . .	100 —	Blöndudalshólar . . . . .	50 —
Klyppstaður . . . . .	50 —	Rípur . . . . .	50 —
	Flyt 1850 kr.		2400 kr.

og meðal

B. neðangreindra brauða, sem nú eru prestlaus, með því skilyrði, að þau verði veitt fyrir 31. ágúst þ. á., og að þeir, sem þau fá, fari samsumars að þjóna þeim:

			Fluttar 1000 —
Ásar í Skaptártungu . . . . .	400 kr.	Kvíabekkur . . . . .	200 —
Sandfell í Örfefum . . . . .	400 —	Presthólar . . . . .	200 —
Hvanneyri . . . . .	200 —	Mývatnsping . . . . .	200 —
	Flyt 1000 kr.		Samtals 4000 kr.

Framangreind uppbót er veitt brauðunum um fardagaárið 1878—79, og hefi jeg ritað landfógeta um að greiða fjöð eptir næstu fardaga.

Fari svo, að brauð þau, er til greind eru við staflid B., verði eigi veitt fyrir 31. ágúst þ. á., vonast jeg eptir nánari tillögum frá herra biskupnum um það, hvernig verja skuli fje því, er þeim brauðum er lagt með áminntu skilyrði.

**13** — *Ágrip af brjefi landshöfðingja til stiptyfirvaldanna um Stjórnartíðindin.*  
30. jan. Með því að það sást á bónarbrjefi einu til landshöfðingja, að það hafði komizt upp við úttekt á brauði, að Stjórnartíðindum þess hafði eigi verið haldið reglulega saman, skoraði landshöfðingi á stiptyfirvöldin að brýna fyrir prestum, að þeir sjeu skyldir að geyma exemplar það af Stjórnartíðindunum, er þeim er sent og ætlazt er til að fylgi brauðinu, og að leggja fyrir prófastana að líta eptir því, bæði við hinar árlegu vísitazíur þeirra, og þegar brauð eru tekin út við prestaskipti, að tíðindunum sje haldið í þeirri reglu, sem vera ber. Jafnframt var vísað í fyrirmæli 23. greinar í auglýsing 3. maí 1872 um það, hvernig hlutaðeigandi ætti að fara að, er póststjórnin annaðist útsendingu Stjórnartíðindanna, og eitthvert númer af þeim kæmi eigi til skila á viðkomandi póststöðvar, en þar sem prestar gjörðu aðra ráðstöfun til að fá Stjórnartíðindin, yrði það að vera þeirra að sjá um, að þau kæmust öll til skila.

**14** — *Brjef landshöfðingja til amtmannsins yfir suður- og vesturumdæminu um styrk handa amtsbókasafninu í Stykkishólmi.* — Eptir tillögum yðar.  
4. febr.

herra amtmaður, í þóknanlegu brjefi 6. október f. á., hefi jeg af fje því, sem til er tekið **14**  
í 15. gr. fjárlaganna 19. október f. á., veitt amtsbókasafninu í Stykkishólmi 200 króna <sup>4. febr.</sup>  
styrk, og mun fje þessu verða ávísað úr jarðabókarsjóði eptir nánari ósk herra amt-  
mannsins.

— *Brjef landshöfðingja til amtmannsins yfir suður- og vesturumdæminu um* **15**  
aukakosningu til alþingis. — Með því að sýslumaðurinn í Strandasýslu <sup>5. febr.</sup>  
hefir tilkynnt hingað, að alþingismaður sýslu þessarar, Torfi Einarsson, hafi andazt 21. desbr.  
f. á., eruð þjer, herra amtmaður, hjer með þjónustusamlega beðnir að láta fram fara auka-  
kosningu í nefndu kjördæmi, til þess að kjósa alþingismann í stað hins látna, fyrir það  
sem eptir er af kjörtímanum, er nú stendur yfir.

— *Brjef landshöfðingja til landlæknis Dr. J. Hjaltalins um styrk til að gefa* **16**  
út ritgjörð „um notkun manneldis í harðærum“, til útbýtingar <sup>11. febr.</sup>  
gefins. Þjer hafið, herra landlæknir, í þóknanlegu brjefi 8. þ. m. skýrt mjer frá, að  
þjer hafið nýsamið ritgjörð «um notkun manneldis í harðærum», er þjer ætlið vel til fallið að  
útbýtt yrði ókeyppis meðal allra hreppsnefnda í landinu, og í annan stað meðal almennings  
í þeim hreppum, er hallæri hefir vofað yfir hin síðari árin sakir fiskileysis, og hafið því  
farið þess á leit, að keypt yrðu fyrir landsfje til slíkrar útbýtingar 350 expl. af tjeðu riti,  
fyrir 25 aura hvert expl. hept, en bókhlöduverð eigi að verða 30 aurar.

Jeg hefi nú veitt það, að verja megi í þessu skyni af fje því, sem til er tekið í  
15. gr. fjárlaganna, 87 kr. 50 aurum.

Jafnframt og jeg tilkynni yður þetta, herra landlæknir, til þóknanlegrar leiðbein-  
ingar, læt jeg því við bætt, að fje þessu mun verða ávísað yður undir eins og þjer sendið  
mjer áminnt 350 expl.

— *Brjef landshöfðingja til stiptyfirvaldanna um sjerstaka verðlagsskrá* **17**  
fyrir Rangárvallasýslu. — Hjálögð beiðni frá oddvita sýslunefndarinnar í <sup>13. febr.</sup>  
Rangárvallasýslu um, að sýsla þessi fái eptirleiðis að hafa verðlagsskrá út af fyrir sig,  
sendist hjer með stiptyfirvöldunum til úrslita samkvæmt konungsúrskurði 16. júlí 1817\*).

— *Ágrip af brjefi landshöfðingja til amtsráðsins í suðuramtinu um úrskurðar-* **18**  
vald sýslunefndar. — Hreppsnefnd ein kærði fyrir landshöfðingja, að hlutaðeig- <sup>13. febr.</sup>  
andi sýslunefnd hefði lagt úrskurð á ágreining um skyldu manns til að greiða sveitarút-  
svar, — sem eptir eðli sínu liggur undir úrslit dómstólanna, — þar sem sýslunefndum er í  
19. gr. sveitarstjórnarlaganna 4. maí 1872 að eins veitt vald til að breyta niðurbjónun  
hreppsnefndarinnar, og vísaði landshöfðingi með þjefi þessu kærinni til amtsráðsins,  
samkvæmt 52. gr. í sveitarstjórnarlögunum.

— *Brjef landshöfðingja til stiptyfirvaldanna um kvennaskólann í Reykja-* **19**  
vík. — Í heiðruðu brjefi, dagsettu í gær, hefi jeg meðtekið þóknanleg ummæli stipty- <sup>23. febr.</sup>  
firvaldanna um kvennaskólann í Reykjavík og tillögur um, hvernig hafa eigi eptirlit með  
skólanum af hálfu hins opinbera, meðan hann nýtur styrks úr landssjóði, og læt jeg yður

\*) Stiptyfirvöldin veittu þessu, sbr. nr. 20. hjer á eptir.